

QVÆSTIO MEDICA.
QVODLIBETARIIS DISPUTATIONIBVS MANE DISCVTIENDA
IN SCHOLIS MEDICORVM DIE IOVIS XVIII. DECEMBRIS,
M. FRANCISCO LE VIGNON, Doctore Medico, moderatore.

An à Temperie Ingenium?

833

MISERA hominum conditio, sua sorte nemo contentus vivit, quos eligit Minerva, Martis tenet desiderium: suum quisque noscat ingenium, frustra viribus illius inconsultis aliquid suscipitur: non omnis fert omnia tellus: si repugnet natura, raro enim illius malignitas labore vincitur, scire vis an reluctetur, reipsum intuerè, non defunt notæ, quibus animi videas indolem, corpus sequitur: nec aliunde quàm ex illius habitu vis eius manat, si laudabilis, sub illo mens præclara delitescit: non enim pendet ab anima, quæ cum vni-formis paria non diversâ proderet ingenia; hæc licet actionum omnium origo sit, ad obundas functiones certam requirit temperiem, quæ quò magis exquisita eò felicius agit, suæque obit munia; verùm humorum mixtione varia fit temperies, ex qua tamen exurgit alicuius victoria.

HUMANA mens miris modis à téperamento mutatur, hinc ad scientiarum studia magis minùsue valeamus; vel ad expedienda negotia paratiores aut tardiores fumus; hinc ipsa anima in vno homine multiplices edit actiones. Verùm quinam beatorum temperamento præditi, & studiis aptiori? an pituitosi? sensu obtusi: an biliosi? acutiores, sed leuitate laborant: an sanguinei? delitescit sub hoc humore expedita mentis agitatio, si alio temperetur, alioquin hebetes: melancholicos volumus cum is humor constantia, & integritatis animi sit parens. An sola temperies ad ingenium facit? minimè, sed & legitima præcipuarum partium conformatio, & præsertim cerebri: turpes animi turpia incolunt corpora, nec ex deformi corpuscule formosus animus, ac magnus exire potest: paruo capite præditi minus probantur: crasso & carnoso stolidi: mihi crede raro evenit ut sub speciosi corporis tegmine vilis delitescat animus.

GAVDEANT benè nati parentibus scientiâ præditi, felici sub sydere, benigno solo: at docti indoctos procreant, & sub quovis sydere, aut solo stolidos reperire est; quid mirum? malorum ac morborum sæpè, non tamen semper paternæ virtutis hæredes sumus, prava vivendi ratio innatam mutat temperiem & ex laudabili noxiam facit, hinc licet benignum afflaret sydus, vel nitente fruaris solo, si multo alimento ventrem sagines, non modo corpori noxam, sed & animo adferes, *μαχρὰ γαστήρ λικνὸς ἐ' τὴν ψυχὴν*: qui vino sese ingurgitant, dum infirmum & debile, nec non multis obnoxium morbis corpus reddunt, mentis obundunt aciem: sanam vis habere mentem? esto sanus corpore: sanitatis consilium quæris? *ἀσθεὺς, πνευμᾶ, ὕμνος ἀσθενήσας, πνευμᾶ μέτετα* hoc si non placeat, brevius audi, *ἐ' βραχὺς ὕμνος, ἀσθενὲς πνευμᾶ, ἀσθενὲς πνευμᾶ*.

SPIRITVS humorum naturam redolent, præcipua animæ instrumenta, hi quò puriores & ab omni illuvie defæccatiores eò laudabiliores: influens, quem pro triplici facultate triplicem statuimus, insitum à naturâ singulis partibus fouet ac reficit, in obundis functionibus, sed præsertim cerebri, plurimi est momenti, cum enim in eo facultas animalis resideat, per nervos transmissus sensum motumque perficit, & in illius ventriculis ritè elaboratus functiones exercet principes, quas sedibus haud distinctas asserimus, licet vna, illæsis aliis, lædi possit, quò fit ut phantasia quantò mollius & calidius cerebrum, tanto sit præstantior: quò temperatior cerebri substantia eò felicius memoria: hinc pueros, senes immemores dicimus, nec non qui acuto aut tardo sunt ingenio, acutum siquidem ingenium raro felix comitatur memoria.

SCIENTIA opibus præstantior, calamitatum omnium portus est, eà præditi ab indocto quâ vivus à mortuo differt, verùm non omnibus adire Corynthus licet, qui naturam benè fauentem & propitiam habet, si non iuuet, oleum perdit, hæc ut otio torpet, sic assiduo labore frangitur, animis danda remissio, quieti aciores melioresque surgunt: & ut plantæ aquâ mediocri reficiuntur, suffocantur immodicâ, sic animus moderatis laboribus iuuatur, obruitur immodicis; fertilibus agris haud semper imperandum, exhaustos illos nunquam intermissa fecunditas: in eum finem somnus à naturâ datus, cum multa fiat per labores & vigilias, corporis nec non animi, viriû & spirituum dissipatio, licet enim qui docti nomen quærit *δοκίμος* esse debeat, quieti dandum est tempus aliquod, ut vigilia siccatum cerebrum humectetur. Quid autem libris insudare opus est, si ingenio non valeas? aut si vales, eò dum potes, vtere, mutationi obnoxium est.

Ergo à Temperie Ingenium.

Proponebat Lutetiæ **FRANCISCVS PAIOT**, Parisinus. A. R. S. H. M. DC. XXXVI.

DOMINI DOCTORES DISPUTAVRI.

M. Mathurinus Deniau.
M. Franciscus le Vignon Præses.
M. Petrus Legier.

M. Ioannes Chervier.
M. Ioannes Pierre.
M. Petrus Yen.

M. Franciscus Pijart.
M. Nicolaus Regnier.
M. Ioannes de Bourges.

